



Asii Chemnitz Narup
Inatsisartuni ilaasortaq, Inuit Ataqtigut

**Qarasaasiakkut saassussisarnerit pillugit § 37 naapertorlugu
apeqquteqaateqarnermut 68/2024 akissuteqaat.**

Asasara Asii Chemnitz Narup,

Inatsisartut suleriaasiat malillugu qarasaasiakkut saassussisarnerit pillugu
apeqquteqaatinnut qujanarujussuaq. Apeqquteqaatitit ataani akivakka, aammalu
erseqqissalaarlugu akissuteqaat oqaasersianik imaqarmat.

**1. Qarasaasiakkut saassussisarnerit ukiuni kingullerni
amerliartornerannut atatillugu Naalakkersuisut isumaliutiminnik
nassuiaaqqullugit qinnuigineqarput.**

2022-mi qarasaasiakkut saassussisoqarnerata kingorna, teknikkitigut
aaqqissuussaankullu sillimaniarneq pitsanngorsarneqarpoq. Qarasaasiaqarnermi
atortut nutaat atulersinneqarput, taamaaliornikkut qitiusumik allattoqarfimmi
paasissutissat ingerlaarfii nakkutigineqarsinnaalerlutik. Atortut atulernerisa
kingorna saassusseriarnerit kingunerlutsitsinnaagaluartut
pinngitsoortinneqarput. Attaveqaatit ingerlaavartumik mianernartoqarnerisut
misissorneqartarput aammalu qitiusumik allattoqarfimmi serverit attaveqaatillu
hackerinit iserfigineqarsinnaasut mianernassusaannik misissuiffigineqartarlutik.

Qitiusumik allattoqarfimmi qarasaasiaqarnermi paasissutissatigullu
sillimaniarneq pillugu kaajallaasitami qitiusumik allattoqarfimmi teknikkitigut
aaqqissuussaankullu navianaataasinnaasut ammasumik
misissuiffigineqartarnissaat qulakkeerneqarsimavoq. Kaajallaasitaq atorlugu
qitiusumik allattoqarfimmi systemit assigiinngitsut pillugit minnerpaamik
sillimaniarnerup iluani piunasaqaasiortoqarsimavoq, piunasaqaataasullu
naammassineqanngippata systemit qaminneqarsinnaapput. Systemit
nutarterneqanngitsut isumannaallisarneqanngitsullu taakkuunerusarput
saassunneqartut, kaajallaasitaliornikkullu hackerinit saassunneqarsinnaaneq
annikillerujussuarneqarsimavoq.

Cyberimi aamma paasissutissanik isumannaallisaaneq pillugu
immikkoortortaqaarfik pilersinneqarsimavoq, ukioq mannalugu sapaatip-akunnera 11
qitiusumik allattoqarfimmi cyberip sapaatip-akunneranik taasaq
ingerlanneqarsimavoq. Ingerlatsinermit sulisut phishing-e-mailit navianaataannik

12.06.2024
Sagsnr. 2024 - 8344
Dok. nr. 24104157

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

sammineqarsimavoq soorluttaaq nalinginnaasumik paasissutissanik isumannaallisaaneq aamma iserfigineqartoq. Ukiut tamaasa cyberip sapaatip-akunna ingerlanneqartassaaq, tassanilu cyberimi isumannaallisaaneq sammineqartassaaq. Immikkoortorta qarfirmittaaq ilaatigut Center for Cybersikkerhedimut Politiillu isertortumik paasiniaasartuinut isumaqatigiissusiortoqarsimavoq, isumaqatigiissutit malillugit cyberimi paasissutissanillu isumannaallisaaneq pillugu isumasioqatigiittoqarsinnaavoq, siunnersortittoqarsinnaavoq ilinniartitsisoqarsinnaallunilu.

Taakkua saniatigut nunat tamalaat akornanni paasissutissanik isumannaallisaanermi malittarisassaaq ISO 27001 qitiusumik allattoqarfimmi atuutilernissaa sulissutigineqarpoq. Paasissutissanik isumannaallisaanermi malittarisassaaq malillugu navianaataasinnaasunik aqutsinissamut, aqutsisut nalimmassaanissaannut aammalu qitiusumik allattoqarfimmi aqqissuusaanikkut teknikitigullu suleriaatsitsigut piumasaqaateqarpoq. Taakkualu qarasaasiakkut saassussisoqarsinnaanerinut naapertuuttorjussuupput, tassami paasissutissat illersorneqartariaqartut suussusersineqassapput, taamaalilluni saassussisoqassagaluarpata paasissutissat illersorneqartariaqartut pilertortumik eqqorneqarsimanersut misissupallanneqarsinnaapput.

2. Tassunga ilanngullugu saassuseriaannaanerat pinngitsoortinniarlugit Naalakkersuisut sunik suliniuteqarnersut aamma Kalaallit Nunaanni suliffeqarfiit, kattuffiit oqartussallu digitalikkut illersorneqarnerat qanoq annertusitinneqarsinnaanersoq.

Issittup eqqissisimasumik pissanganartorsiorfiunanilu inuuffigineqarnissaa anguniagarigaluarlutigu, nassuerutigisariaqarparput nunarsuarmioqataalluta. Ukrainemut sorsunnermut atatillugu nittartakkatigut sorsunnermut ilaavugut.

Naalakkersuisut nuna tamakkerlugu digitalinngortitsinissamut periusissiaat 2024-2028 malillugu Naalakkersuisut Inatsisartut inatsisissaannik marlunnik siunnersuusiornissartik pilersaarpaat. Siunnersuummi siullermi inuiaqatigiinni pisorta qarfiit suliffeqarfiillu pisariaqavissut nittartakkatigut sillimaniarnermi periusaat qaffasissuussasoq qulakkeerniarneqarpoq tullissaanilu paasissutissanik illersuineq pillugu inatsisit atuuttut nutarterniarneqarlutik. Inatsisini marluusuni inatsisit malinneqanngitsillugit aningaasatigut kinguneqartussamik pineqaatissiisoqarsinnaalissasoq anguniarneqarpoq.

Massakkut paasissutissat illersorneqarnissaat pillugit inatsimmi atuuttumi taamaallaat piumasaqataavoq inuit paasissutissaataat illersorneqassasut. Inatsit malillugu qarasaasiatigut saassussisoqassagaluarpata innuttaasut pillugit paasissutissat illersorneqassapput. Innuttaasulli illersorneqarnissaat isigissagaanni, inuttut paasissutissatigut illersuineq naammangilaq. Innuttaasut illersorneqassappata inuiaqatigiinni pisariaqavissut illersorneqartariaqarput. Inuup pisariaqartitai, soorlu imeq, kiassarneq, inuussutissat nukissiuutillu tunniussinnaaniarlugit qarasaasiatigut atortut arlallit atorineqartarput.

Qarasaasiatigut atortut taakkua inuiaqatigiinni pisariaqavissortut pilersuinerannik aqutsisuupput.

Inuiaqatigiinni pisortaqarfiit suliffeqarfiillu pisariaqavissortut qaffasissumik nittartakkatigut sillimaniarnissaannut inatsisit malillugit minnerpaamik piunasaqaateqarfiginiarneqarput. Inatsisissatut siunnersuummi ilaatigut qulakkeerneqassaaq pisortaqarfiit suliffeqarfiillu qaffasissumik nittartakkatigut sillimaniarnissamut periusissaminnut ikioqatigiissasut. Kiisalu inuiaqatigiinni pisortaqarfiit suliffeqarfiillu pisariaqavissortut siunnersorneqarnissaat nakkutigineqarnissaallu aamma qulakkeerneqassalluni.

Inussiarnersumik inuulluaqqusillunga

Med venlig hilsen



Múte Bourup Egede